

〔清〕蔣驥撰

山帶閣注楚辭



〔清〕蔣驥撰

山帶閣注楚辭

上海古籍出版社

首都师范大学图书馆



21006359

1006359

封面題簽 余水龍

山帶閣註楚辭

〔清〕蔣驥撰

上海古籍出版社出版

（上海瑞金二路272號）

新華書店上海發行所發行 溫州日報印刷廠印刷

開本 787×1092 1/32 印張 0.625 字數 160,000

1958年9月第1版 1984年10月上海第1版 1984年10月第1次印刷

印數：00,001—13,000

統一書號：10186·483 定價：1.00元

出版說明

關於祖國偉大詩人屈原詩篇的註釋與研究，歷代學者都曾有所貢獻。蔣驥的山帶閣註楚辭，是清代學者在這方面的一部重要的著作。此書價值，主要表現在如下兩點：第一，蔣氏以前的楚辭研究者，大抵皆拘執於比興之說，認為屈原的作品是『依托五經以立義』，故往往穿鑿附會，陷入主觀臆測的泥坑。蔣氏此書特別着重於屈原生平事蹟的考訂，用『知人論世』的方法來闡明作品的內涵，頗多精闢之見。就其總的精神來說，是實事求是的。第二，再就楚辭所運用的資料言，多保存古代神話傳說，它和北方儒家的經典屬於兩個不同的系統，蔣氏對此頗有認識，書中徵引詳博，別擇甚精，在這方面貢獻尤多。如上所述，蔣氏之書，論其造詣，在清代楚辭研究著作中，當與王夫之楚辭通釋、戴震屈原賦註鼎足而三。王氏多發明屈賦微旨，戴以簡明見長，而蔣氏資料則特為翔實。對我們今天楚辭研究工作來說，蔣氏之書是一部重要參考著作。原書流傳已少，一九五八年中華書局上海編輯所據原刊本排印，後曾多次重印。這次重版，對個別錯字作了必要的訂正。

山帶閣註楚辭卷次

卷首

序	三
後序	五
採摭書目	七
屈原列傳	一七
屈原外傳	二二
楚世家節略	二三
考正地圖	楚辭地理總圖 抽思思美人路圖 哀郢路圖 涉江路圖 漁父懷沙路圖
註六卷	
篇目	三一
卷一 離騷	三一
卷二 九歌	五〇

卷三 天問 六

卷四 九章 一〇

卷五 遠遊 卜居 漁父 一五

卷六 招魂 大招 一六

餘論二卷

卷上 總論 離騷 九歌 天問 一七

卷下 九章 遠遊 卜居 漁父 招魂 大招 二七

說韻一卷 二五

右計十卷十二萬七千八百七十二字

男蔣 榮方召 榮裕中 榮少巖校

序

世之知屈子者以離騷。然世固未有知騷者。卽烏能知屈子。夫屈子。王佐才也。當戰國時。天下爭挾刑名兵戰縱橫弔詭之說以相誇尙。而屈子所以先後其君者。必曰五帝三王。其治楚。奉先功。明法度。意量固有過人者。大招發明成言之始願。其施爲次第。雖孔子孟子所以告君者當不是過。使原得志於楚。唐虞三代之治豈難致哉。其中廢而死。命也。雖然。原用而楚興。旣廢而削死。而楚亡。則雖弗竟其用。亦非無徵不信者比也。而世徒豔其文。高其節。悲其縶縶不已之忠。抑末矣。世又以原自沉爲輕生以懟君。余考原自懷王初放已作離騷。以彭咸自命。然終懷之世不死。頃襄卽位。東遷九年不死。漁父懷沙岌岌乎死矣。而悲回風卒章所云。抑不忍遽死。何者。以死悟君。君可以未死而悟。則原固不至於必死。至惜往日始畢詞赴淵。其辭曰。身幽隱而備之。又曰。恐禍殃之有再。蓋其時讒焰益張。秦患益迫。使原不自沉。固當卽死。死等耳。死於讒與死於秦。皆不足悟君。君雖悟。亦且無及。故處必死之地而求爲有用之死。其勢不得不出於自沉而。因而著之曰。介子忠而立枯兮。文君悟而追求。明揭其死之情以發其君之悟。嗚呼。若屈子者。但見其愛身憂國。遲迴不欲死之心。未見其輕生以懟君也。吾故曰。世未有知屈子者。雖然。其原實始於

不知騷。蓋離騷二十五篇所以發明己意垂示後人者。至深切矣。而或眩於章法之變幻。則無以知本旨之所存。昧於字義之深隱。則無以知意理之所在。不能研索融會於文之中。旁搜博攬於文之外。則亦無以知其時地變易。與命意措詞次第條理之所以然。是以大招招魂皆以爲非原作。而諸篇之先後亦茫無所考。至其章句之間。或以鹵莽而失之略。或以穿鑿而害其辭。吁可惜哉。予於戊子夏。始發憤論述其書。顧以束於制舉。困於疾病憂患。貧賤奔走。時作時輟。六閱年始成。凡訓詁考證多前人所未及。而大要尤在權時勢以論其書。融全書以定其篇。審全篇以推其節次。句字之義。故雖文之漫衍倣詭。而未始不秩然可尋。雖世之幽略無所考。而懷襄兩朝遷謫往來未始不犁然若示諸掌上。其說或不免爲人之所駭。而一求平心之所安。世之學者因註以知其文。因文以得其人。則豈惟舒憂娛哀於百世之上。將百世之下聞風者亦有所興起也。康熙癸巳七月之望。武進蔣驥涑陞序。

後序

余老於諸生逾三十年。場屋之苦。下第之牢愁。殆與身相終始。年二十三。得頭目之疾。畢生不痊。畏風若刀鋸。凡春花秋月人世嬉遊之事。概不得與。目力久乏。又不能縱情書史。此身塊然如贅疣。自念少時讀書課文。每爲時輩所推歎。及老猶不廢學。亦雅知自好。不敢有負聖賢。不識何所獲戾而至斯也。生平詩古文詞時有論撰。經史子集之書評註者亦不少。率以束於舉業。牽於疾病。未獲成編。獨於離騷功力頗深。訂訖之外。益以餘論說韻若干卷。今雖訖事已久。然偶觀他書有與騷相發明者。未嘗不筆而存之。古云熟處難忘。又云物各從其類。以余窮愁之身。而沉沒於騷。豈不然乎。甲午。遊京師。有觀是書者。竊議曰。方今文教大行。苟從事經籍理學及詩章算術。皆可立致青紫。顧窮年畢精爲此凶衰不祥之書奚取焉。余是年九月有書闡卷詩三十首。其二十二云。斜日增城虎豹嘯。玉虬蜺局駐靈旄。頻年註屈眞成讖。贏得江楓識畔牢。蓋有感而然也。嗚呼。丈夫負七尺之軀。涉覽千古文章政術。冀少有以自見。位不在己。則與空空無能者等。乃至稠人廣坐。面牆之徒。鳴得意。論古今。變白爲黑。俯首唯唯。噤不敢發言。東方朔云。用之則爲虎。不用則爲鼠。豈不痛哉。況復二豎馮陵。呻吟疾苦。時時閉置學婦容。造物困人。嘻其甚矣。年來

精益求精。病端蜂起。兼之憂患死喪。腐心摧骨。萬念灰冷。雅不喜爲仙佛之迷。離騷一編時橫几上。聊以舒憂娛哀云爾。意者澤畔行吟。真所謂凶衰不祥之書耶。抑余頭方數奇。命則處幽。重以累騷也。雍正丁未涑陵書。

屈原列傳

漢司馬遷

屈原者。名平。楚之同姓也。爲楚懷王左徒。博聞強志。明於治亂。嫺於辭令。入則與王圖議國事。以出號令。出則接遇賓客。應對諸侯。王甚任之。上官大夫與之同列。爭寵而心害其能。懷王使屈原造爲憲令。屈平屬草藁未定。上官大夫見而欲奪之。屈平不與。因讒之曰。王使屈平爲令。衆莫不知。每一令出。平伐其功。曰以爲非我莫能爲也。王怒而疏屈平。屈平嫉王聽之不聰也。讒諂之蔽明也。邪曲之害公也。方正之不容也。故憂愁幽思而作離騷。離騷者。猶離憂也。夫天者人之始也。父母者人之本也。人窮則反本。故勞苦倦極未嘗不呼天也。疾痛慘怛未嘗不呼父母也。屈平正道直行。竭忠盡智以事其君。讒人間之。可謂窮矣。信而見疑。忠而被謗。能無怨乎。屈平之作離騷。蓋自怨生也。國風好色而不淫。小雅怨諷而不亂。若離騷者可謂兼之矣。上稱帝舜。下道齊桓。中述湯武。以刺世事。明道德之廣崇。治亂之條貫。靡不畢見。其文約。其辭微。其志潔。其行廉。其稱文小。而其指極大。舉類迥而見義遠。其志潔故其稱物芳。其行廉故死而不容自疏。濯淖污泥之中。蟬蛻於濁穢。以浮游塵埃之外。不獲世之滋垢。皜然泥而不滓者也。推此志也。雖與日月爭光可也。屈平既絀。其後秦欲伐齊。齊與楚從親。惠王患之。乃令張儀佯去秦。厚幣委贄事楚。

曰。秦甚憎齊。齊與楚從親。楚誠能絕齊。秦願獻商於之地六百里。楚懷王貪而信張儀。遂絕齊。使使如秦受地。張儀詐之曰。儀與王約六里。不聞六百里。楚使怒去。歸告懷王。懷王怒。大興師伐秦。秦發兵擊之。大破楚師於丹淅。斬首八萬。虜楚將屈匄。遂取楚之漢中地。懷王乃悉發國中兵以深入擊秦。戰於藍田。魏聞之。襲楚至鄧。楚兵懼。自秦歸。而齊竟怒不救楚。楚大困。明年。秦割漢中地與楚以和。楚王曰。不願得地。願得張儀而甘心焉。張儀聞。乃曰。以一儀而當漢中地。臣願請往如楚。如楚。又因厚幣用事者臣靳尚。而設詭辯於懷王之寵姬鄭袖。懷王竟聽鄭袖。復釋去張儀。是時屈平既疏。不復在位。使於齊。顧反。諫懷王曰。何不殺張儀。懷王悔。追張儀不及。其後諸侯共擊楚。大破之。殺其將唐昧。時秦昭王與楚婚。欲與懷王會。懷王欲行。屈平曰。秦虎狼之國。不可信。不如無行。懷王稚子子蘭勸王行。奈何絕秦歡。懷王卒行。入武關。秦伏兵絕其後。因留懷王以求割地。懷王怒。不聽。亡走趙。趙不內。復之秦。竟死於秦而歸葬。長子頃襄王立。以其弟子蘭爲令尹。楚人既咎子蘭。以勸懷王入秦而不反也。屈平既嫉之。雖放流。睠顧楚國。繫心懷王。不忘欲返。冀幸君之一悟。俗之一改也。其存君興國而欲反覆之。一篇之中。三致志焉。然終無可奈何。故不可以反。卒以此見懷王之終不悟也。人君無愚智賢不肖。莫不欲求忠以自爲。舉賢以自佐。然亡國破家相隨屬。而聖君治國累世而不見者。其所謂忠者不忠。而所謂賢

之異采。材樸委積兮。莫知余之所有。重仁襲義兮。謹厚以爲豐。重華不可悟兮。孰知余之從容。古固有不並兮。豈知其故也。湯禹久遠兮。邈不可慕也。懲違改忿兮。抑心而自強。離滯而不遷兮。願志之有象。進路北次兮。日昧昧而將暮。含憂虞哀兮。限之以大故。亂曰。浩浩沅湘兮。分流汨兮。修路幽拂兮。道遠忽兮。會嗟恆悲兮。永歎慨兮。世既莫吾知兮。人心不可謂兮。懷情抱質兮。獨無匹兮。伯樂既沒兮。驥焉程兮。人生稟命兮。各有所錯兮。定心廣志。余何畏懼兮。曾傷爰哀。永嘆喟兮。世溷不吾知。心不可謂兮。知死不可讓兮。願勿愛兮。明以告君子兮。吾將以爲類兮。於是懷石。遂自投汨羅以死。屈原既死之後。楚有宋玉唐勒景差之徒者。皆好辭而以賦見稱。然皆祖屈原之從容辭令。終莫敢直諫。其後楚日以削。數十年。竟爲秦所滅。自屈原沉汨羅後百有餘年。漢有賈生。爲長沙王太傅。過湘水。投書以弔屈原。

太史公曰。余讀離騷天問招魂哀郢。悲其志。適長沙。觀屈原所自沉淵。未嘗不流涕想見其爲人。及見賈生弔之。又怪屈原以彼其材。游諸侯。何國不容。而自令若是。讀服鳥賦。同死生。輕去就。又爽然自失矣。

屈原外傳

唐沈亞之

昔漢武愛騷。令淮南作傳。大概屈原已盡於此。故太史公因之以入史記。外有二三逸事。見之雜紀。方志者尤詳。屈原瘦細美髯。丰神朗秀。長九尺。好奇服。冠切雲之冠。性潔。一日三濯纓。事懷襄間。蒙讒負譏。遂放而耕。吟離騷。倚耒號泣於天。時楚大荒。原墮淚處獨產白米如玉。江陵志有玉米田。卽其地也。嘗遊沅湘。俗好祀。必作樂歌以樂神。辭甚俚。原因棲玉笥山。作九歌。托以風諫。至山鬼篇成。四山忽啾啾若啼嘯。聲聞十里外。草木莫不萎死。又見楚先王廟及公卿祠堂。圖畫天地山川神靈。琦瑋侑佹。與古聖賢怪物行事。因書其壁。呵而問之。時天慘地愁。白晝如夜者三日。晚益憤懣。披蓁茹草。混同鳥獸。不交世務。採栢實。和桂膏。歌遠遊之章。托遊仙以自適。王逼逐之。於五月五日遂赴清冷之水。其神遊於天河。精靈時降湘浦。楚人思慕。謂爲水仙。每值原死日。必以筒貯米投水祭之。至漢建武中。長沙區回。白日忽見一人。自稱三閭大夫。謂曰。聞君嘗見祭。甚善。但所遺並蛟龍所竊。今有惠。可以楸樹葉塞上。以五色絲轉縛之。此物蛟龍所憚。回依其言。世俗作糗並帶絲葉。皆其遺風。晉咸安中。有吳人顏珉者。泊汨羅。夜深月明。聞有人行吟曰。曾不知良之爲丘兮。孰兩東門之可蕪。珉異之。前曰。汝三閭大夫耶。忽不見其所之。

江陵志又載原故宅在姊歸。鄉北有女嬃廟。至今擣衣石尙存。時當秋風夜雨之際。砧聲隱隱可聽也。嘻異哉。原以忠死。直古龍比者流。何以沒後多不經事。特千古騷魂鬱而未散。故澤熊雖久不祀。三閭之跡。猶時彷彿。占斷於江潭澤畔。兼葭白露中耳。

楚世家節略

孟子曰。誦其詩。讀其書。不知其人。可乎。是以論其世也。漢史傳原。既多略而不詳。余倣林西仲本。復輯楚世家懷襄二王事蹟著於篇。因兼採諸書。附以所見。將使讀屈子之文者。有所參考。又以知楚之治亂存亡。繫於屈子一人。而爲萬世逆忠遠德者大戒也。若林氏取原賦二十五篇。鑿空而分註之。則吾豈敢。

懷王名槐。威王子。在位三十年。

元年。張儀始相秦惠王。

四年。秦惠王初稱王。

六年。楚使柱國昭陽攻魏。破之襄陵。今山西平陽府有襄陵縣。得八邑。又移兵攻齊。齊患之。陳軫爲齊說昭陽。

引兵去。秦使張儀與楚齊魏盟。齎桑。史記正義曰。在梁與彭城之間。

按張儀傳。秦使儀與齊楚大臣會齎桑。歸而免相。和魏以爲秦。儀所至結交權貴。左右賣國如此。則是盟也。庸知非卽與上官靳尚等相結。以預爲浸潤屈原之地乎。

十一年。蘇秦約從。六國共攻秦。楚爲從長。至函谷關。在今河南府靈寶縣。秦出兵擊六國。六國皆引歸。

後始皇制曰。荆王獻青陽以西。青陽卽長沙地。其卽此所復取之十五邑乎。

二十七年。復興秦平。入太子爲質於秦。

三十六年。王病。太子亡歸。秋。王卒。太子完立。

襄王子考烈王立。二十五年卒。子幽王立。十年卒。子哀王立。二月。兄負芻弑之。負芻立五年爲秦所滅。

楚辭篇目

楚 屈平著 蔣驥註

離騷

九歌

東皇太一 雲中君 湘君 湘夫人 大司命 少司命 東君 河伯 山鬼 國殤
禮魂

天問

九章

惜謫 涉江 哀郢 抽思 懷沙 思美人 惜往日 橘頌 悲回風

遠遊

卜居

漁父

招魂

大招

宋洪慶善朱晦庵考定原賦。止於漁父篇。余採黃維章林西仲語。並載招魂大招。以正漢志二十五篇之數。說見招魂論。然大招自漢以來。已相傳爲原作。而招魂篇名。具見史記屈原傳贊。則固非二子創論也。其作文次第。年代幽遠。無可參核。竊嘗以意推之。首惜誦。次離騷。次抽思。次思美人。次卜居。次大招。次哀郢。次涉江。次漁父。次懷沙。次招魂。次悲回風。次惜往日。終焉。初失位。志在潔身。作惜誦。已而決計爲彭咸。作離騷。十八年後。放居漢北。秋。作抽思。逾年春。作思美人。其三年。作卜居。此皆懷王時也。懷王末年。召還郢。頃襄卽位。自郢放陵陽。三年。懷王歸葬。作大招。居陵陽九年。作哀郢。已而自陵陽入辰渚。作涉江。又自辰渚出武陵。作漁父。適長沙。作懷沙。招魂。其秋。作悲回風。逾年五月。沉湘。作惜往日。蓋察其辭意。稽其道里。有可徵者。故列疏於諸篇。而目次則仍其舊。以存疑也。若九歌天問橘頌遠遊。文辭渾然。莫可推詰。固弗敢強爲之說云。武進蔣驥。

楚辭卷二

九歌

東皇太一

雲中君

湘君

湘夫人

大司命

少司命

東君

河伯

山鬼

國殤

禮魂

蔣驥註

成禮。備祭祀之禮也。鼓。擊也。會鼓。聚衆聲也。芭。香草。代。迭也。女。女樂也。倡。歌也。容與。舞有態度也。春祠以蘭。秋祠以鞠。卽所傳之芭也。

右禮魂

禮魂。蓋有禮法之士。如先賢之類。故備禮樂歌舞以享之。而又期之千秋萬祀而不祧也。

楚辭卷二終

